

- Mandato sceleris Venus hoc fecosa¹ dicabat,
 Quod Deus, ut penitus serviret ei, decorabat.
- 15 Heu! quid agam, si sic moriar? dampnabor in evo,
 Cui patet os herebi, Veneris pro vulnere sevo.
 Quomodo vitari poterit gravis ista ruina,
 Ni per mentis opes opponatur medicina?
 Quis prestabit opem, nisi mens succedat honori,²
- 20 Quo iungi properat natura modesta pudori?
 Sed mens quid faciet, cui corpus non famulatur,
 Immo quod est contra, sibi quaque die dominatur?
 Corpus habens odio sincere mentis amorem
 Non amat amplecti, que mens tolerare laborem?
- 25 Ante Deum fieri bona mens amat orationes,
 Corpus apud scortum dampnosas condiciones.
 Pervigil esse cupit generose mentis honestas,
 Corporis et vilis dormire procax inhonestas.
 Quod det pauperibus mens optat querere penis,
- 30 Sed quod habet corpus sine penis non dat egenis.
 Corpus dedecorat fecosa³ cohors vitiorum,
 Sed mentem decorant redolentia dona bonorum.
 Corpus in orbe gravant lascivi dampna furoris,
 Mentem vero levant constantis lucra pudoris.
- 35 Sed cur istius diversificatio litis
 Fingi temptatur, nisi cētibus inde peritis?
 Insiapiens ego sum, tamen istud scribo libenter,⁴
 Quod movet intra me facinus sociale frequenter.
 Corporei sensus turbant anime rationem,
- 40 Ne valeat veri perpendere cognicionem.
 Mantica completur vitiosa fertilitate,
 Quam gero posterius cum ponderis heu gravitate.
 Istam fessus ego deponere sepe laboro,
 Sed nequeo, fundens suspiria corde sonoro.
- 45 Namque meis humeris ligat hanc tam dura catena,
 Quod non posset eam calibis distinguere⁵ vena.
 Artifices huius dampnosa pericla fuere,
 Que sontes herebi conflictus composuere.
 Facta globis septem plumbi fuit illa perosa,
- 50 Quorum pondera sunt omnino pernicioſa.
 Istius ampla lues et longa nimisque profunda,
 Iure potest herebi vocitari sors furibunda.
 Nam pice nigrior est, radio vacuata sereno,
 Sulphureo fumo fecosior⁶ atque veneno.

1) 'fetosa' Rem. 2) 'honoris . . . pudoris' Clar. Bei der schwer verständlichen Sprache und willkürlichen Grammatik ist schwer zu sagen, was richtig ist. 3) 'fetosa' Clar. 4) Cod. Clar. p. 245. 5) distingere? 6) 'fetosior' Clar.